

89-я Армянская Таманская стрелковая дивизия в последней фазе Великой Отечественной войны, изд-во «Гитутюн» НАН РА, Ереван, 1994, 348 с.

89-րդ Հայկական Քսոմաւոյի երաժշտիկ դիվիզիան Հայրենական մեծ պատերազմի վերջին փուլում, ՀՀ ԳԱԱ «Գիտութիւն» հրատարակչություն, Երևան, 1994 թ., 348 էջ:

Հայրենական մեծ պատերազմում տարած հաղթանակի 50-ամյակի առթիվ, ՀՀ ԳԱԱ պատմության ինստիտուտը լույս է բնծայել պատմական դիտությունների թեկնածու, դոկտոր Կ. Ս. Արարտիանի «89-րդ Հայկական Քսոմաւոյի դիվիզիան Հայրենական մեծ պատերազմի վերջին փուլում» աշխատությունը: Այն նվիրված է 89-րդ դիվիզիայի մարտական գործունեության վերջին շրջանի, հատկապես 1945 թ. հունվար-փետրվար ամիսներին Վիսլա-Օդերյան և ապրիլ-մայիս ամիսներին Բեռլինյան ճակատամարտերին մասնակցելու և դրանց նախապատրաստելու հերոսական դրվագներին: Իր կառուցվածքով ու բովանդակությամբ, հարցերի բաղմապատասխան և խոր ու համակողմանի քննարկմամբ զբաղվող աշխատությունը որակապես առերեւոյում է 89-րդ դիվիզիայի մասին լույս տեսած աշխատություններին:

Աշխատությունը սկսվում է 89-րդ հրաձգային դիվիզիան 1944 թ. աշնանը Ղրիմից Լեհաստան փոխադրելու, խորհրդա-լեհական սահմանի վրա տեղաբաշխվելու և նոր պայմաններին համապատասխան կատարված մարտակառն, նախապատրաստական աշխատանքների նկարագրումով: Այնտեղ հեղինակը ցույց տալով զինվորների ուսուցման, ռազմաքաղաքական պատրաստվածության մակարդակի բարձրացման, հայրենասիրության, նվիրվածության, բարդ իրավիճակներում արագ կողմնորոշվելու ուղղությամբ կատարվող աշխատանքները, ընդգծում է դրանց անհրաժեշտությունը ռազմական գործողությունների ծավալման ժամանակ: Հետաքրքիր զեպերը ու փաստերը են վկայակոչվում, թե ինչպես էր դիվիզիան մերձենում մյուս զինվորական միավորումների հետ և համատեղ նախապատրաստվում վճռական գործողություններին:

Հաջորդ դիմում հեղինակը ռազմագետի հմտությամբ էլ առ էլ բացում է Վիսլա-Օդերյան մարտերին 89-րդ հրաձգային դիվիզիայի մասնակցության օրագրությունը, ցույց տալիս այն հերոսական պայքարը, որին մեծ նվիրումով մասնակցում էին զինվորից մինչև զենեքալը: Թվարկելով դիվիզիայի աղատագրած բնակավայրերն ու ռազմական կարևոր նշանակություն ունեցող հանգույցները, կապելով համապատասխան սխեմաներ, նա ընդգծում է այն կարևոր զերր, որ խաղաղին հայկական դիվիզիայի գորամասերն ընդհանուր հաղորությունների մեջ: Այստեղ հանդամանորեն վերլուծվում են 89-րդ դիվիզիայի սորամասերի ծրագրված, ինչպես նաև շնախատեսված մարտական գործողությունները, արվում համապատասխան եղրակացություններ:

Հաջորդ դիմումները նվիրված են Բեռլինի գրավման համար մղվող մարտերին 89-րդ հրաձգային դիվիզիայի նախապատրաստման ու մասնակցության պատմության մանրակրկիտ ուսարանմանը: 1945 թ. փետրվարի կեսերից մինչև ապրիլի կեսերը, դիվիզիան ակտիվորեն պատրաստվում էր բեռլինյան մարտերին, ճշտելով իր տեղն ու դերը և մյուս գորամիավորումների հետ համագործակցելու ծրագրերը: Այդ լարված օրերին նույնպես մեծ ախատանք էր կատարվում զինվորների մարտական ոգին և ռազմական պատրաստվածությունը բարձրացնելու ուղղությամբ: Այսպես հեղինակն ուրվագծում է ապրիլ-մայիսին Ֆրանկֆուրտից մինչև Բեռլին 89-րդ հրաձգային դիվիզիայի մարտական ուղին, թվարկելով ոչ միայն աղատագրված քաղաքներն ու բնակավայրերը, այլև մեկ առ մեկ նշելով Բեռլինի այն շրջանները, մարտիկ և երկաթղծի կայարանները, փողոցներն ու խողոր արդյունաբերական ձեռնարկությունները, որոնք աղատագրվել են դիվիզիայի կողմից:

Աշխատությունը եղրափակվում է հաղթանակից հետո Գերմանիայում դիվիզիայի մի քանի ամիսների գործողությունների և նոր պայմաններում կատարած աշխատանքների վերլուծությամբ:

Գրախոսվող աշխատությունն ընդգրկումով ու շարադրանքով պատմառաջատիպական ընդլայնումն է, որով տարբերվում է պատերազմի մասին ևղած մյուս աշխատություններից: Հեղինակը քայլ առ քայլ հետևելով պատերազմի վերջին շրջանում 89-րդ հրաձգային դիվիզիայի մարտական գործողություններին, անդրադարձել է հակառակորդի դեմ մղած բոլոր հիմնական մարտերին ու «պատահական» ընդհարումներին, զնահատել յուրաքանչյուրի նշանակությունն ու տեղն ընդհանուր պայքարի շղթայում: Հեղինակը չի բավարարվել արխիվային փաստերի շուր տարեգրությամբ: Տարբեր լսավիճակներում ներկայացված են հետաքրքիր պատկերներ գին-վորների ու զորամասերի սխրագործություններից, դինվորական կյանքը բնականորեն ուղեկցող ռազմական զրկազներ, խաղաղ բնակիչների վկայություններ, ռազմագերիների խոստովանություններ և այլն: Դա հարստացնում, ավելի ամբողջական է դարձնում ուսումնասիրությունը:

Աշխատության մեջ քննադատարար օգտագործված են արխիվային հարուստ նյութեր, ժամանակի մամուլը և պատմական ու ռազմագիտական գրականությունը: Գ. Արաճաճյանը փաստաթղթերի խոր և բազմակողմանի վերլուծությամբ կարողացել է նորովի զնահատել դրանք և որոշակի ենթահանգումներ անել յուրաքանչյուր կոնկրետ զնայքի քննարկումից: Կուռ և ամբողջական, վերլուծական շարադրանքն ընթերցողին համոզում է հեղինակի պատմառաջատիպական խոր գիտելիքների մասին: Եվ զա պատահական չէ, Հեղինակն իր ուսումնասիրած զնայքերի ականատեսն ու ակտիվ մասնակիցն է: Նա մեծ ոգևորությամբ է նկարագրում առանձին մարտիկների և միավորումների հերոսական սխրանքները և միաժամանակ խոր ցավով և խոսում ամեն մի զոհված կամ «անհայտ կորած» դինվորի մասին: Ի զեպ, հեղինակը դինվորի անմիջականությամբ ու կրքոտությամբ մերժում է «անհայտ կորած» հասկացողությունը և բանավիճելով տարբեր հեղինակների հետ, բազմաթիվ փաստեր է վկայակոչում՝ ցույց տալով, որ դրանք հիմնականում իրենց մարտական պարտականությունների կատարման ժառանգ զոհված դինվորներ են, որոնց մասին, զմրախտարար, ժամանակին լուր չի ստացվել: Նա զայրույթով է խոսում նաև նախկին ռազմագերիների նկատմամբ անմարդկային վերաբերմունքի մասին: Դրանց հիմնական մասը բարձր է պահել դինվորի պատիվն ու գերության մեջ է հայտնվել անկախ իր կամքից: Նրանց նկատմամբ հալածանքը, որը շարունակվեց նաև հետպատերազմյան շրջանում, հեղինակը դիտում է որպես ծանր հանցանք: Նա արդարացիորեն դաժնում է, որ բոլոր դինվորները, որոնք եղել են գործող բանակում, այդ թվում և անհայտ կորածները և ռազմագերիները, պետք է կոչվեն Հայրենական մեծ պատերազմի մասնակիցներ և օգտվեն հավասար իրավունքներից:

Աշխատության վերջում բերելով Վիսլա-Օդերյան և Բելոխյան ճակատամարտերում 89-րդ դիվիզիայից զոհված սպաների և դինվորների ցուցակները՝ հեղինակը դինվորի իր պարտքն է կատարում՝ արձանին հատուցելով իր դիմելից ընկերներին:

Աշխատության յուրաքանչյուր գլխում, լայն կտավի վրա լուսարանվում են ռազմաճակատի ընդհանուր և կոնկրետ իրավիճակները, ցույց է տրվում մարտական 89-ի տեղն ու զերը: Հեղինակը խուսափում է ընդհանուր դիտողություններից և յուրաքանչյուր զնայք քննում է կոնկրետ պայմաններում, քննադատարար վերլուծելով ամեն մի զրկազ:

Աշխատությունն ավելի մատչելի ու տպավորիչ դարձնելու նպատակով հեղինակը կազմել է ոչափադասի վերջին փուլում 89-րդ հրաձգային դիվիզիայի մղած հիմնական մարտերի 19 սխեմաներ, որոնց օգնությամբ չույց է տալիս տարբեր ստորաբաժինների տեղադրությունը, շարժման հիմնական ուղղությունները, փոխկապակցված՝ գործողությունները, ազատագրված բնակավայրերն ու տակտիկական կենտրոնները: Այդ սխեմաները նպաստում են հստակ պատկերացում կազմելու դիվիզիայի հիմնական մարտական ուղղությունների և զրկազների մասին: Հեղինակը կազմել է նաև 22 աղյուսակներ, որոնք հարուստ տվյալներ են պարունակում դիվիզիայի ազգային կազմի, զենքի տեսակների, մատակարարման, աչքի ընկած դինվորների քանակի և զոհերի մասին: Հեղինակը որոշակի ճշտումներ է կատարում մինչև այդ հրապարակված աշխատությունների տվյալների մեջ:

Հպարտությամբ են ընթերցվում աշխատության այն բաղում էջերը, որտեղ ցույց է տրվում հայազգի դինվորի կամ սպայի պատասխանատվության բարձր դրացումը բարձր ու հաճախ վտանգավոր հանձնարարությունների կատարման, մյուս զորամիավորումների հետ փոխհարաբերությունների ժամանակ: Հայ ժողովրդի զավակները, դինվորից մինչև զենեակ, Հայրենական մեծ պատերազմի ռազմաճակատներում հերոսաբար կռվել են ֆաշիզմի ջախջախման համար, միշտ աչքի առջև նկատի ունենալով նաև այն, որ զաշնակից Թուրքիան չհամարձակվի ու չփորձի կենսագործել հայ ժողովրդին ոչնչացնելու իր հրեշավոր պլանները: Հեղինակը գիտակցաբար խուսափել է իր հայրենակիցների մասին գովեստի խոսքեր ասելուց: Նա այդ բոլորն

անում է վկայակոչելով բանակի ոչ հաւազդի զործիւնների, նշանավոր զորավարների և հրամանատարների մտքերը:

Ուսումնասիրությունը ունի արդիական կարևոր նշանակություն: Անտեղ փոխկապակցված ձևով քննվում են ռազմադիտական բազում հիմնահարցեր՝ զորքի տարրեր տեսակների տեղադրումն ու մատակարարման, հետախուզության, ռազմական և դադափարական նախապատրաստման, պաշտպանողական և հարձակողական մարտերի, հանդստի կազմակերպման և այլն: Այդ ուղղությամբ 89-րդ հրաձգային դիվիզիայի մարտական փորձը կարող է օգտակար լինել նոր ձևավորվող ազգային զորամիավորումների համար:

Աշխատությունը զրված է լայն ընթերցողի համար: Այն կշահեն, եթե բեռնափախվեր ժաւանակակիցների և ականատեսների էջեր կազմող վկայություններից, և հեղինակը խուսափեր իր անհատական տպավորությունների հաճախակի վկայակոչելուց: Հաճախ է հեղինակը հրապուրվում նեղ, մարտական խնդիրների քննարկմամբ, որը քիչ է հուզում լայն ընթերցողին: Շատ են մարդկանց, բնակավայրերի, ռազմական հանգույցների, զետերի անունները, լվական տվյալները: Յանկալի է, որ քննվող աշխատությունը լույս տեսնելու հայերենով և զրվելու հայ ընթերցողի սեղանին:

Դ. Մ. ԳԵՂԱՄՅԱՆ

Պատմական գիտությունների դոկտոր